

LAMPIRAN D**SKIM PERKHIDMATAN
PENSYARAH UiTM**

KLASIFIKASI : PERKHIDMATAN PENDIDIKAN
KUMPULAN PERKHIDMATAN : PENGURUSAN DAN PROFESIONAL
TARIKH KUAT KUASA : 1 SEPTEMBER 2010

Gred	Jadual Gaji Matriks			
Gred DM41	:	P1T1 RM1876.74	-	P1T25 RM4645.84
		P2T1 RM1979.71	-	P2T25 RM4924.12
		P3T1 RM2086.86	-	P3T25 RM5226.18
Gred DM45	:	P1T1 RM2546.05	-	P1T21 RM5484.96
		P2T1 RM2642.06	-	P2T21 RM5788.25
		P3T1 RM2742.25	-	P3T21 RM6113.85
Gred DM46	:	P1T1 RM2546.05	-	P1T21 RM5484.96
		P2T1 RM2742.25	-	P2T21 RM6113.85
Gred DM51	:	P1T1 RM4573.47	-	P1T10 RM6439.44
		P2T1 RM4789.15	-	P2T10 RM6730.27
		P3T1 RM5013.18	-	P3T10 RM7029.45
Gred DM52	:	P1T1 RM4573.47	-	P1T10 RM6439.44
		P2T1 RM5013.18	-	P2T10 RM7029.45
Gred DM53	:	P1T1 RM4842.03	-	P1T10 RM6797.08
		P2T1 RM5057.71	-	P2T10 RM7117.13
		P3T1 RM5281.74	-	P3T10 RM7448.31
Gred DM54	:	P1T1 RM4842.03	-	P1T10 RM6797.08
		P2T1 RM5281.74	-	P2T10 RM7448.31
Gred Khas C	:	RM6595.99	-	RM 9480.90
Gred Khas B		RM7145.00	-	RM10270.05
Gred Khas A		RM7766.66	-	RM11164.94
Gred Khas Turus III	:	RM 8625.16	-	RM12523.75
Gred Khas Turus II		RM 9483.65	-	RM13770.29
Gred Khas Turus I		RM10300.00	-	RM14955.60

SYARAT LANTIKAN

1. Calon bagi lantikan hendaklah memiliki kelayakan seperti berikut:-

- (a) warganegara Malaysia;
- (b) berumur tidak kurang dari 18 tahun pada tarikh tutup iklan jawatan;

Kelayakan Untuk Lantikan Ke Gred DM41

(c) (i) ijazah sarjana muda kepujian dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; atau

(ii) ijazah Sarjana Muda Undang-undang yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.

(Gaji permulaan ialah pada Gred DM41: P1T2);
atau

(iii) ijazah Sarjana Muda Kejuruteraan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.

(Gaji permulaan ialah pada Gred DM41: P1T3);
atau

(iv) ijazah Sarjana Muda Seni Bina yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.

(Gaji permulaan ialah pada Gred DM41: P1T5);
atau

(v) ijazah Sarjana Muda Perakaunan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.

(Gaji permulaan ialah pada Gred DM41: P1T6);
atau

(vi) ijazah Sarjana Muda Perakaunan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta menjadi Ahli Penuh Badan-badan Ikhtisas Perakaunan yang diiktiraf oleh kerajaan.

(Gaji permulaan ialah pada Gred DM41: P1T7);
atau

(vii) Ahli Penuh Institut Akauntan Malaysia.

(Gaji permulaan ialah pada Gred DM41: P1T8);

dan (d) kepujian Bahasa Malaysia/Bahasa Melayu (termasuk lulus Ujian Lisan) pada peringkat Sijil Pelajaran Malaysia atau kelulusan yang diiktiraf setaraf dengannya oleh kerajaan.

Kelayakan Untuk Lantikan Ke Gred DM45

(e) (i) ijazah sarjana dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; atau

(ii) ijazah Sarjana Muda Seni Bina atau diploma lanjutan dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar penuh dengan Lembaga Arkitek Malaysia; atau

(iii) ijazah doktor falsafah (Ph.D) dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.

(Gaji permulaan ialah pada Gred DM45: P1T4);

dan (f) kepujian Bahasa Malaysia/ Bahasa Melayu (termasuk lulus Ujian Lisan) pada peringkat Sijil Pelajaran Malaysia atau kelayakan yang diiktiraf setaraf dengannya oleh kerajaan.

Kelayakan Untuk Lantikan Ke Gred DM51

(g) (i) memiliki kelayakan seperti di perenggan 1(e) dan (f) di atas;

(ii) membuktikan tahap kecemerlangan akademik yang istimewa mutunya; dan

(iii) mempunyai pengalaman berkaitan yang luas dalam bidang-bidang yang berkenaan.

Kelayakan Untuk Lantikan Ke Gred DM53 (Profesor Madya)

(h) (i) memiliki kelayakan seperti di perenggan 1(e) dan (f) di atas;

(ii) membuktikan tahap kecemerlangan akademik yang sangat istimewa mutunya; dan

(iii) mempunyai pengalaman berkaitan yang luas dalam bidang-bidang yang berkenaan.

**Kelayakan Untuk Lantikan Ke Gred Khas C
(Profesor)**

- (i) (i) memiliki kelayakan seperti di perenggan 1(e) dan (f) di atas;
- (ii) membuktikan tahap kecemerlangan akademik yang terkemuka mutunya; dan
- (iii) mempunyai pengalaman berkaitan yang luas dalam bidang-bidang yang berkenaan.

**SYARAT KENAIKAN
PANGKAT SECARA
LANTIKAN**

- 2. Pegawai sedang berkhidmat dalam perkhidmatan Penolong Pensyarah UiTM adalah layak dipertimbang oleh Pihak Berkuasa Melantik berkenaan untuk kenaikan pangkat secara lantikan ke jawatan Pensyarah UiTM Gred DM41, tertakluk kepada kekosongan jawatan, apabila telah disahkan dalam perkhidmatan dan:-

- (a) mempunyai kelayakan di perenggan 1(c) di atas; dan
- (b) berumur kurang dari 54 tahun pada tarikh lantikan.

**PENETAPAN GAJI
PERMULAAN**

- 3. Gaji permulaan yang lebih tinggi atas P1 Gred DM41, DM45, DM51, DM53 dan Gred Khas C boleh ditetapkan oleh Pihak Berkuasa Melantik berkenaan berasaskan kepada pengalaman kerja, bakat, kemahiran atau kepakaran berkaitan.

TEMPOH PERCUBAAN

- 4. Pensyarah UiTM yang dilantik adalah dikehendaki berkhidmat dalam tempoh percubaan selama 1 hingga 3 tahun.

LATIHAN

- 5. Pensyarah UiTM boleh dikehendaki mengikuti latihan yang ditetapkan oleh ketua jabatan/Ketua Perkhidmatan yang berkenaan.

**KURSUS INDUKSI/
PEPERIKSAAN**

- 6. Pensyarah UiTM dalam percubaan adalah dikehendaki hadir dengan jayanya kursus induksi yang ditetapkan oleh ketua jabatan/Ketua Perkhidmatan yang berkenaan.

**PENGESAHAN DALAM
PERKHIDMATAN**

- 7. Pensyarah UiTM yang dilantik adalah layak disahkan dalam perkhidmatan apabila telah:-
 - (a) memenuhi tempoh percubaan;
 - (b) hadir dengan jayanya kursus induksi yang ditetapkan; dan
 - (c) diperakukan oleh ketua jabatan/Ketua Perkhidmatan.

**PERGERAKAN GAJI
TAHUNAN**

- 8. Pergerakan gaji tahunan adalah tidak automatik dan akan ditetapkan oleh ketua jabatan/Ketua Perkhidmatan berdasarkan prestasi perkhidmatan.

**PENILAIAN TAHAP
KECEKAPAN**

- 9. Pensyarah UiTM hendaklah melepasi penilaian tahap kecekapan yang ditetapkan oleh ketua jabatan/Ketua Perkhidmatan untuk kenaikan pangkat.

**KENAIKAN PANGKAT
KE GRED DM46**

10. Pensyarah UiTM Gred DM41 adalah layak dipertimbangkan bagi kenaikan pangkat ke jawatan Pensyarah UiTM Gred DM46 apabila telah:-
- (a) disahkan dalam perkhidmatan;
 - (b) memiliki kelayakan di perenggan 1(e);
 - (c) mencapai tahap kecemerlangan akademik yang **bermutu tinggi** dan syarat-syarat lain yang munasabah yang ditetapkan oleh Lembaga Pengarah UiTM;
 - (d) melepasi semua penilaian tahap kecekapan yang ditetapkan; dan
 - (e) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED DM52**

11. Pensyarah UiTM Gred DM45/46 adalah layak dipertimbangkan bagi kenaikan pangkat ke jawatan Pensyarah UiTM Gred DM52 apabila telah:-
- (a) disahkan dalam perkhidmatan;
 - (b) mencapai tahap kecemerlangan akademik yang **istimewa mutunya** dan syarat-syarat lain yang munasabah yang ditetapkan oleh Lembaga Pengarah UiTM;
 - (c) melepasi semua penilaian tahap kecekapan yang ditetapkan; dan
 - (d) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED DM54
(PROFESOR MADYA)**

12. Pensyarah UiTM Gred DM51/52 adalah layak dipertimbangkan bagi kenaikan pangkat ke jawatan Pensyarah UiTM Gred DM54 apabila telah:-
- (a) disahkan dalam perkhidmatan;
 - (b) mencapai tahap kecemerlangan akademik yang **sangat istimewa mutunya** dan syarat-syarat lain yang munasabah yang ditetapkan oleh Lembaga Pengarah UiTM;
 - (c) melepasi semua penilaian tahap kecekapan yang ditetapkan; dan
 - (d) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS C
(PROFESOR)**

13. Pensyarah UiTM Gred DM53/54 adalah layak dipertimbangkan bagi kenaikan pangkat ke jawatan Pensyarah UiTM Gred Khas C apabila telah:-
- (a) disahkan dalam perkhidmatan;
 - (b) mencapai tahap kecemerlangan akademik yang **terkemuka mutunya** dan syarat-syarat lain yang munasabah yang ditetapkan oleh Lembaga Pengarah UiTM;

(c) melepasi semua penilaian tahap kecekapan yang ditetapkan; dan

(d) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS B
(PROFESOR)**

14. Pensyarah UiTM Gred Khas C adalah layak dipertimbangkan bagi kenaikan pangkat ke jawatan Pensyarah UiTM Gred Khas B apabila telah:-

(a) disahkan dalam perkhidmatan;

(b) mencapai tahap kecemerlangan akademik yang sangat **terkemuka mutunya** dan syarat-syarat lain yang munasabah yang ditetapkan oleh Lembaga Pengarah Universiti; dan

(c) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS A
(PROFESOR)**

15. Pensyarah UiTM Gred Khas B adalah layak dipertimbangkan bagi kenaikan pangkat ke jawatan Pensyarah UiTM Gred Khas A apabila telah:-

(a) disahkan dalam perkhidmatan;

(b) mencapai tahap kecemerlangan akademik yang **luar biasa mutunya** dan syarat-syarat lain yang munasabah yang ditetapkan oleh Lembaga Pengarah Universiti; dan

(c) diperakukan oleh ketua jabatan/Ketua Perkhidmatan.

**KENAIKAN PANGKAT
GRED DM45/46
KE GRED DM54 (PROFESOR
MADYA) DALAM KEADAAN
ISTIMEWA**

16. Pensyarah UiTM Gred DM45/46 yang telah disahkan dalam perkhidmatan dan melepasi penilaian tahap kecekapan yang ditetapkan serta menunjukkan kecemerlangan akademik yang **sangat istimewa mutunya** adalah layak dipertimbangkan bagi kenaikan pangkat terus ke Gred DM54.

**KENAIKAN PANGKAT
GRED DM45/46 KE GRED
KHAS C (PROFESOR)
DALAM KEADAAN
ISTIMEWA**

17. Pensyarah UiTM Gred DM45/46 yang telah disahkan dalam perkhidmatan dan melepasi penilaian tahap kecekapan yang ditetapkan serta menunjukkan kecemerlangan akademik yang **terkemuka mutunya** adalah layak dipertimbangkan bagi kenaikan pangkat terus ke Gred Khas C.

**KENAIKAN PANGKAT
GRED DM51/52 KE GRED
KHAS C (PROFESOR)
DALAM KEADAAN
ISTIMEWA**

18. Pensyarah UiTM Gred DM51/52 yang telah disahkan dalam perkhidmatan dan melepasi penilaian tahap kecekapan yang ditetapkan serta menunjukkan kecemerlangan akademik yang **terkemuka mutunya** adalah layak dipertimbangkan bagi kenaikan pangkat terus ke Gred Khas C.

**KENAIKAN PANGKAT
GRED KHAS C KE GRED
KHAS A (PROFESOR)
DALAM KEADAAN
ISTIMEWA**

19. Pensyarah UiTM Gred Khas C yang telah disahkan dalam perkhidmatan dan menunjukkan kecemerlangan akademik **luar biasa mutunya** adalah layak dipertimbangkan bagi kenaikan pangkat terus ke Gred Khas A.

**KENAIKAN PANGKAT
KE GRED KHAS TURUS III
(PROFESOR ULUNG)**

20. Pensyarah UiTM Gred Khas A adalah layak dipertimbangkan bagi kenaikan pangkat ke jawatan Pensyarah UiTM Gred Khas Turus III apabila telah:-
- (a) disahkan dalam perkhidmatan;
 - (b) mencapai tahap kecemerlangan kesarjanaan yang **terkemuka mutunya** dan syarat-syarat lain yang ditetapkan oleh kerajaan; dan
 - (c) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS TURUS II
(PROFESOR ULUNG)**

21. Pensyarah UiTM Gred Khas Turus III adalah layak dipertimbangkan bagi kenaikan pangkat ke jawatan Pensyarah UiTM Gred Khas Turus II apabila telah:-
- (a) disahkan dalam perkhidmatan;
 - (b) mencapai tahap kecemerlangan kesarjanaan yang **luar biasa mutunya** dan syarat-syarat lain yang ditetapkan oleh kerajaan; dan
 - (c) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS TURUS I
(PROFESOR ULUNG)**

22. Pensyarah UiTM Gred Khas Turus II adalah layak dipertimbangkan bagi kenaikan pangkat ke jawatan Pensyarah UiTM Gred Khas Turus I apabila telah:-
- (a) disahkan dalam perkhidmatan;
 - (b) mencapai tahap kecemerlangan kesarjanaan yang **unggul mutunya** dan syarat-syarat lain yang ditetapkan oleh kerajaan; dan
 - (c) diperakukan oleh ketua jabatan/Ketua Perkhidmatan.

**KENAIKAN PANGKAT KE
JAWATAN KETUA
EKSEKUTIF**

23. Pensyarah UiTM Gred Khas C dan ke atas adalah layak dipertimbangkan kenaikan pangkat ke gred lebih tinggi dalam jawatan Ketua Eksekutif yang kosong apabila telah:-
- (a) disahkan dalam perkhidmatan;
 - (b) mencapai tahap kecemerlangan akademik yang luar biasa mutunya dan syarat-syarat lain yang ditetapkan oleh Lembaga Pengarah Universiti; dan
 - (c) telah terbukti kemampuan dari segi pengalaman dan sumbangan dalam bidang pengajian tinggi; dan
 - (d) diperakukan oleh ketua jabatan/Ketua Perkhidmatan.

Nota: Skim perkhidmatan ini membatalkan skim perkhidmatan terdahulu yang berkuat kuasa pada 1.9.2007 [Lampiran A dan A1 - Pekeliling Perkhidmatan Bilangan 20 Tahun 2008, JPA(S)324/14/9-6 Klt. 7 (28)]